

寒 燠 堂 詩 集



拙學齋詩草初編

入滇集十一

己未

臨桂

廖鼎聲

金甫

瀘州喜晤劉少寅大令 晉 招飲賦謝

停雲十四載湖海憶君心忽此成今遇低徊感不禁  
兵戈猶故國涕淚且高吟日暮清瀘上情兼酒味深

就少寅問滇中事感作

吾生澹蕩人飢驅苟薄祿廿年從北征萬里墮南服  
側聞兵事深天意盛殺戮君曾眼所歷告我當著卜  
彼中風土殊時平本瀟樸近歲蠻觸爭滿野荆棘蹙  
其始構亂端厥拙學齋詩草 初編 入滇集十一

咎尋仇復怨毒慎可殫弱者強競肉戕人以自戕  
良賤轉溝瀆可憐兵凶器撫弄如踟躕一闕無兩全  
兩傷不一淑嗚呼劫太急長歎在蒿目語罷重嘻吁  
我尤隱憂伏剛離故鄉烽又走窮山谷上蒼實慈仁  
昇予爲民牧才麤那料理足繭真瑟縮且爲歌激昂  
賈誼翻痛哭熒然燈影青對感衰鬚禿

寓居道觀偶題

宦程僂指春將盡客髻驚心事屢遷復此滯留成  
小憩自嗟顛顛已中年張華且少風雲氣庾信惟多  
詞賦緣落日生當樓觀上道人說法茗新煎

客邸

客邸真無賴三廬又小留院牆環嶺築江水抱城流有酒  
從教醉將詩莫浪投前途問消息風鶴使人憂

周道士出觀畫冊爲題小詩

辦貨未得買溪山偶此琳宮寄跡閒我愧坡公天慶觀題  
詩有約抱琴還

畫意希微妙入元試將名筆寫江天黃梁一夢醒來未潦  
倒人寰四十年

自入蜀來憶古昔名賢甚多方欲各爲一詩以寄意  
會見少寅詠古十餘章乃摘其尤卓卓者成此五律

拙學齋詩草

初編十一

二

命之曰蜀無雙吟

名士起南陽瑯琊舊蹟荒三分成帝業十倍視中郎魚腹  
風雲壯蠶叢日月光後人方管樂伊呂自堂堂諸葛忠武

杜陵遺老在天寶亂離身詩壓齊梁派心同稷契人草堂  
花黯黯錦水石鄰鄰戎幕依嚴武山川乃共珍杜文貞

才名天地小苦說望荊州心自汾陽識交惟飯顛儔夜郎  
傷蹇滯大雅擅風流遺蹟懷鄉縣無勞采石謳李青蓮

父子垂清望神仙定長公峨眉真毓秀僂耳有遺風抵死  
蟄龍詠傷心磨竭窮黃州當日謫應嘆帝明聰蘇文忠

夫人標石柱不愧謚忠貞漢室黃巾亂沙場白桿兵殿廷

勞顧問閨閣有勛名羞說甯南武悲哉萬里行

秦夫人

對雨

雨餘春又暮閒坐憶年時難後愁聞信胸中常有詩宦貧  
人事改身老鬢毛知獨喜前榮樹微風暗綠滋

少寅贈詩情溢於言感酬此什

天上冥鴻不致身早年豪氣尙如新慨慷未必忘鄉國遲  
暮緣何喻美人白日放歌春晝永碧桃置酒夜燈親與君  
漸已成衰髻絮絮臨分暗愴神

別懷

別離亦已久底愛夢同尋藥物防人老花時閉戶深夜燈  
拙學齋詩草

初編十一

三

情脉脉春雨氣陰陰坐覺雲山遠親操一曲琴

小憩

小憩何妨懶幽行自在吟愛山芟竹意喜雨種花心事到  
忘言淡情偏鑒物深朝陽下庭院入耳噪新禽

暫閒

暫此一閒身風光如煞人鳥棲林內靜魚暖藻間親大小  
山圍屋東西花作鄰寸心竟何著行樂及時珍

四月八日寓中卽事

人言浴佛日可愛氣清和戶內香風送庭前花雨多有情  
一鳥噪無意片雲過喜結同心侶開觴接膝歌

擬古三首

幽蘭在空谷無人亦自芳我日擷爲佩深情不可忘  
明明天上心耿耿天中月星隨月影流憂端何能撥  
妾心似精衛君意傷啼鳥問君何爲極浩歌在中途

簡顧實甫司馬

元勳

羨君英才世堪用逢君早年語驚衆愛君官間書仍讀知  
君識敏學復洞塵寰我悔墨磨人勞生我等車輪薪行脚  
已逾十萬里折腰旋慨羈孤身蜀川水漲急如雨蜀地山  
猶蹲若虎竭來小住清瀘側巖城寓公又踽踽惟君故意  
爾許長王郎風必居相望縱談越石屢招引

少寅爲實甫舅氏窮

拙學齋詩草

初編十一

四

途阮籍忘憂傷滇南欲去警風鶴江陽此住感烏鵲繞樹  
三巾無枝依瞻雲萬里何處著天公蝨我謂我愚我愚只  
稱耕田夫不然梁國嚇莊子那竟路隅嗟楊朱無言坐對  
三嘆息惟有高歌聊自得平生苦聚九州鐵何年去汝各  
努力

旅感

客程留滯蜀江邊紅過櫻桃萬顆圓人負春華堪自笑宦  
仍羈旅有誰憐軍聲遠隔滇池路鄉信遲來桂管天無那  
情懷增悵惘悠悠星髮到尊前

周子敦茂才

丙煥

自成都來欲偕入滇聊贈此什

飄蕭憐我更憐君蜀國風花滇國雲入世頓羈麋鹿性盟  
詩肯歛鶴鵝軍能甘淡泊差同志未厭清狂獨不羣回首  
燕臺舊游處一燈老屋話紛紛

夜景

夕影入庭陰花枝疑礙路何物動鄉心啼鳥飛上樹  
口舐丹池藥回甘舌本香病深絲自縛何處覓清涼

書懷雜詠

並生天地宇

蘇句

委心隨去住鄉園亦偶居何必動瞻慕

達觀每脫畧褊性獨膠固願言平生親私情內多顧阡隴  
無松柏兒童少襦袴巧婦何以炊交謫實所懼吾行事歸  
拙學齋詩草

初編十一

五

休向平了婚娶揮涕謝遊侶招隱從桂樹

桂樹冬方榮遊子屢嘆嗟君看晚結實猶勝及時花一別  
又三載各在天之涯縮地思長房煉石求女媧但令收桑  
榆遑惜傷匏瓜

匏瓜繫不食卅載已顛蹶兄弟才兩人睽違自京闕長淮  
波浩浩關山何能越惟心實繫肝惟肉多附骨倘非骨肉  
親相思亦易歇傍徨慮喪亂飄忽觀歲月東西明參商起  
視增白髮

白髮不我怨四十成龍鍾生從憂患來何況孤雲蹤兵甲  
滿四方攫身愁烟烽書生事戎行豈易當折衝蠻鄉雖未

遠仍阻山萬重  
摛詞告予悲勉爲後凋松

覽鏡

吟苦鶴頭側  
憂合鰲面  
紋相看無一語  
惟有我知君

卽事

撩人鳩婦噪  
何物鼠姑香  
花鳥關心甚  
朝陰又夕陽

寄家兄壽州

我已離踪萬里間  
寫將懷抱寄君還  
蜀山迎面艱行路  
秦月當頭照入關  
榛莽近羈滇國騎  
烽烟漸警鬼方蠻  
蒼茫四顧江淮遠  
宛轉中途涕淚斑

篋中攜有蘇集  
每讀坡公寄和子由  
諸什念與予兄  
拙學齋詩草

初編十一

六

別久消息且不可得  
因用公將往終南和子由見寄  
詩韻成此將郵達壽州聊見吾意

方牀八尺鋪龍鬢  
就視潔白輕如苧  
夜枕驚起清淚濡  
忽然卧倒顛  
誰扶長吟聲苦  
欺笙竽傷情對雨  
何時無燕臺  
揮手寇警餘  
江南不到尺  
鯉魚相思豈僅關  
切膚縱有鴟夷堪提壺  
寄音幾見頭白鳥  
我今况爾百不如  
讀書道觀圓蒲  
跌行軍遠聞亂  
鷺鳧前驅半途皆  
沮淤有友齊爲野  
踟躕君定度我滇  
中居那知駑駘視  
駢駒

子敦以予行期未定復訪友重慶十日仍來疊前韻

再贈

螳磨勞生我共君鴻泥踪跡暮天雲巴巫水勢洶三峽燕  
粵交情張一軍君友爲重慶守  
公子北直人細雨春帆重話舊清宵豔  
曲惜離羣旗亭莫更增惆悵山色邊關一路分

題聽流軒

客思開軒坐香花晚更幽風微時過戶月近欲當樓地與  
城陰接天如海底浮蒼茫撫人事垂老愛扁舟

旅夜與子敦論詩有喻

投君石上青琅玕報我盤中雙白璧白璧何皎皎含以太  
陽之精太陰魄厥價奚翅秦城百誰人天眼識此珍俗夫  
每每視爲石視爲石亦不惜子闕來此萬里驛但須自愛  
拙學齋詩草初編十一  
如兼金置懷袖中莫輕擲

再作示子敦

自我作詩視時輩謬謂過之無不及飢驅四方多友朋抗  
心古賢諷篇什始知茲事未易造雖勤徒爾醋甕入不如  
早謝磨鍊勞免遭訶詆似火急吾觀飯顛山頭客平生忠  
愛寫於邑後來韓公歌石鼓才薄尙恐不服給橫流滄海  
繫爲誰邯鄲細步總羞澀周君周君聽我言我今閉門空  
汲汲旁人大笑漫與浪埋頭百歲曷稍覓

老去一首

老去人嗤春夢婆韋娘一曲醉中歌畫眉懶學青山黛素

手難停白日梭天似有情商位置事終如意已蹉跎早年  
風趣如今改頭白關山爾奈何

風懷一首

風懷難遣半情多天上明星奈別何不見鵝鴻曾得路恨  
無烏鵲爲填河中年豪竹哀絲感變計銅琶鐵笛歌紅袖  
勸觴偏易飲美人才士一蹉跎

俠客行

風腥月黑腰劍光主人酬客飲此觴一解客無一言容有

言二解客去何疾來何疾三解客非常人主亦真可人四

解 深燈見客猶若神五解

拙學齋詩草 初編 十一

四言詩

雖有磁石只能引鍼雖有文采不如黃金

鳳皇雖飢尙能擇食鸚鵡雖飽不知戢翼

我有白璧懼生微瑕明珠徑寸何用炫誇

南方有雀羽毛肆好用爲首飾他人是寶

怨歌行

秦人烏烏悲以歌楚人幽憂吟山阿灘南小臣何怨嗟

妾薄命

妾薄命薄命莫怨郎妾計有何短與長胡不攬取手中絲  
爲郎織就雙鴛鴦

妾今自抱鴛鴦綺寄郎千山萬山底郎不復書當奈何朝  
朝風浪愁天河

天河深愁人心妾欲渡深復深深復深兮妾應歸語郎停  
妾手中機

閨怨曲

鏡中朱顏淚如雨藁砧不歸在何許淚下沾羅裳風吹猶  
暗香

豔情曲

摘下手中蓮到郎魂夢邊郎吟鳳皇曲妾奏鴛鴦絃

短歌行

拙學齋詩草

初編十一

九

男兒生欲博通侯昔年方少今白頭寂寞甘讓侏儒輩滑  
稽大笑臣朔羞妻常啼飢兒號寒食肉衣錦空長嘆悠悠  
貴富本不美相思惟有摧心肝

貧女一首

插荆爲釵布爲裙曉粧理髮仍如雲夜深軋軋鳴機勤一  
心自愛那自炫西家貴盛從不聞

答少寅

我家遠在侯山麓山容百仞聳寒玉竭來江海長遊遨何  
處雲峯不在目愁猿怨鶴聲悽悽馴鷗狎鷺當何時天涯  
問訊有朋好就中公幹稱能詩瀘江春深喜握手風塵老

矣傷下走一篇投我雙明珠十載知君高詠久桃花潭水  
汪倫情桂嶺烟霞求仲盟纏綿寫出故山色更看圖繪心  
彌驚少寅工繪山水平生世網苦羈縛卑官傀儡又插脚極憐  
士食餘糟等是羊公不舞鶴聞道青山如故人睽別既久  
交逾親相將息機返衡宇草堂日對蒼崖新懷抱何曾戀  
朱紫有田不歸有如水蕭囊書劍真知音四海相從吾與  
爾

題何星一托鉢圖

祖師咒鉢鉢蓮香清入詩人冰雪腸閒寫畫圖寓真意非  
僧非俗亦非狂

拙學齋詩草

初編 十一

十

戲贈爲友人作

晚涼衝雨踏紅樓鏡底殘尊倦未收不惜含香雞舌嫩燈  
光如豆暗低頭

疊韻再贈

花香掩冉入深樓玉帳風微雨意收睡起琵琶輕撥後泥  
人日午看梳頭

戲作綺懷詩四首

瓠犀微啟臉霞嬌曉鏡粧成本色饒洞口劉郎重覓路河  
邊織女願填橋纏綿一任情根種漂泊甯知別緒遙盼斷  
昔年青鳥使大江何處接春潮

記曾花下煖相偎，碧玉年芳夜景回。雪髻怕教欹枕亂，星  
眸頻趁捲簾開。東風嫁杏傷成錯，南國攀枝悔自媒。惆悵  
魂消三五月，巫山空夢楚王臺。

楊花潔白迥無塵，追逐香風到眼新。此日相思迷舊夢，當  
時有恨誤遊人。啼鶯宛轉嬌如訴，浪蝶狂顛膩可親。愁煞  
道旁春色好，隔籬偷笑亦傷神。

海棠一捻吐新紅，嫩蕊含苞不耐風。願作鴛鴦同命鳥，翻  
嫌蝴蝶可憐蟲。腕柔握玉匆匆去，眼俏迴波暗暗通。唾處  
餘香香處酒泥人，殘醉入花叢。

懷京華舊友五首

拙學齋詩草

初編十一

十一

蜀客今何處，三年隱市闌。交情蘇李後，人物晉唐間。與子

論修業，相期破笑顏。元燈知未滅，翹首望仙班。

闍慧生

輦下重逢日，雲霞誼倍深。幽憂騷客賦，遲暮美人心。何日  
紆黃綬，高風託素琴。仲連休蹈海，天末有知音。

李少村

一官如阮籍，八口寄燕京。貧也原非病，誰能遣此情。憂時  
餘涕泗，求友豔才名。想像河陽信，栽花滿縣生。

王棣笙

黃金教散盡，白髮嘆羈栖。俠骨天甯妒，深情首不低。衣裳  
仍楚楚，風雪重淒淒。尙想談心洽，離堂手自攜。

顧寄琴

艱危身異域，誰復念窮交。情竟多多累，人都艾艾嘲。梅花  
香可嚼，詩卷醉頻鈔。未要豪狂減，終非不食飽。

鄧恬齋

題寄家書後

含情忍見修鱗尺細數流光半客途同谷歌中感身世信  
陵交際重屠沽好春獨負人千里舊恨誰憐夢五湖猶記  
分攜兩行淚心隨明月到庭隅

次韻少寅見示之作

早歲雄心君憶否才人難買後時名樽蒲百萬本兒戲荷  
錨千秋忘世情白首分攜家頓遠青春涕淚劍空鳴蕭然  
此去無煩慮不是河梁賦子卿

次韻寶甫贈別

深藏詩應好忽此慰離顏絲竹中年感文章古誼間鄉園  
拙學齋詩草 初編十一  
懷往轍兵革悻諸蠻賸欲傷窮阮追云路阻艱

疊韻再和

見說滇南國山川一動顏征程萬里外詩思五華間地每  
安羈宦人偏雜洞蠻悠悠驅馬別時事獨何艱

少寅過訪走筆寫此留別

瀘城暫安作吟侶微官苦笑嚇腐鼠憐君詩進才愈美不  
似當時劉季緒絮飛樵落愁人心竭來共坐青燈深秣駒  
我行千山外君知別更幾時會

發瀘州書贈子敦

一官我似長貧客半載君偏遠道行山雨翠連蒙段路烽

烟紅過觸蠻兵書生好上元戎策異域都牽故國情寶玉  
此邦都不美清風聯襪入邊城

午晴問渡

午日晴如此衝泥上渡船城寒山過雨江煖漲浮烟屢月  
仍羈蜀多方計入滇辛勞困人事有夢一蘧然

長途

栖皇無定處半載此長途湖海愁知己鬚眉愧老夫簪花  
人自笑勸酒鳥頻呼時事休輕論荒山滿鷓鴣

覽物

我行猶泛梗何以慰離憂去國逾三載懷人詠四愁梅林  
拙學齋詩草

初編十一

三

黃入夏榭葉翠含秋覽物增長慨羈孤易白頭

偶感

漫漫長路吟詩境自知深淚以窮交盡愁兼老病侵夕風  
生木末殘照入庭陰客子荒莊宿山肴酒細斟

曉行卽目

山驛青林遠遠水田綠稻深深帶泉宿霧猶溼吹雨涼風  
自陰

人語岩間瀑布馬蹄石上層雲前村烟火孤起幽磴花香

靜聞

馬嶺題壁

一碧前山後山層雲千樹萬樹不知何處清禽喚起征人  
滿路

俛看曲磻如弓仰見晴霄若紙岩城日午行來蜀盡此三  
百里

拙學齋詩草

初編

十一

古



拙學齋詩草初編

臨桂 廖鼎聲 金甫

入滇集十二 己未

初入黔界

行行蜀地盡身此墮黔荒蹊徑逢苗女國風留夜郎鳥頻  
呼晝靜雨早作秋涼今夕何方宿人家密箐藏  
可怪山名雪關連百尺高日暄雲出樹風怒谷奔濤人事  
憂多梗天心限不毛西征殊未已僧話慰行勞

雪山關謠

野薔薇花紅滿山看花直過雪山關此關黔蜀以爲界南  
拙學齋詩草 初編入滇集十二

通六詔連諸蠻徵兵轉餉去不絕卽今關頭石欲裂石裂  
兮奈何雪山望爾長嵯峨

渡赤水

西陟黔中渡赤水馬鳴蕭蕭杭一葦此水疑與牂牁通牂  
牁直到百粵雄百粵吾故鄉關山望遠愁人腸愁人望遠  
渺何處赤水東頭但烟霧

發瀘之前夕忽晤汪化亭

炳熊

水部一談卽別作此

漫寄

唱徹驪駒路萬重匆匆憶與故人逢  
郎曹天上星辰耀  
聖代今時恩澤濃洗眼旌旗迎五馬  
將爲印心湖海走元太守

龍停雲可奈西迴首燭底清瀟茗半鐘

不得家書已一年矣途次書懷

一別三年吾有幾尺書經歲不一聞細思平時憂緣深道  
途疲盡骨與筋自慚無田欲安歸譬如田長不芸空霄  
鴻鶴定何所深山麋鹿當戀羣衰宗骨肉矧稀罕文度置  
膝心劬勤瘦妻疾首面弗光日夕盼我南天雲東來黔地  
颯風雨西去滇國迷烟氛故園躑躅僅千里無由走告雙  
足跛願得消息夢倘恍魴魚頰尾中如焚捷書苟報征南  
軍平安聚首意可欣

白巖龍山寺有尼年百三十有六自言其師在滇已

拙學齋詩草

初編 十二

二

一百六十歲矣爲題二詩於寺

文殊原是女人身妙相如來步後塵誰識優尼祖衣鉢能  
開壽臘感天人龍飛六葉觀周朔象法千秋護佛輪我憶  
湘山靈塔拜西行此合証禪因

愧說高年猶弟子同歸本願託空王佛原上壽仍非壽心  
縱無香自有香丹井烟霞塵劫累白巖風雨寺門涼邇來  
亦欲圓蒲坐看煞龍山百尺蒼

途中紀行作歌

我行三秦又逾蜀盤盤磴道凌虛空攬身不識幾億仞踏  
碎萬朵青芙蓉惜無吳門白馬之天眼又無穆王周行八

極之飛龍平生登陟半海內奇觀到處爭清雄微名侮我  
鮎緣竿所遇獨嗇中豈豐煩憂苦志氣益短坐嗟百歲狂  
如風矧今奔走黔滇道阻遠鬼方故國都歷窮兵戈天南  
正戰鬥誰歟如虎如豹如羆熊單輿直往向前路僕痛馬  
瘡一夜心怔忡願言告我盍少息竊恐命宮磨蝎天難容  
莊周逍遙諒未敢此歌一吟悲膺胸

子敦述其先高祖南蒼先生詩集因自號南孫爲贈  
二詩

不見前賢跡惟留異代名何人忘數典懷古可勝情入幕  
看山色登樓聽雨聲漫漫在長路吟嘯氣縱橫

拙學齋詩草

初編 十二

三

書卷家門事詩孫各有名對君發逸興於我契深情邊徼  
倭遲意中原戰伐聲憑虛互賡和一笑暮雲橫

五日和子敦

五日仍爲客三年此索居榴花紅灼灼蒲酒碧疏疏身世  
良朋仗流光遠道餘殷勤賦天問晚飯坐階除

過畢節縣訪吳茂才村居

紆迴林外路訪舊入山莊人語出空谷馬蹄翻夕陽雲生  
岩欲雨沙泛水如湯更遣吳棉著黔天五月涼

君情殊款款我別又匆匆空遠樹圍碧山深花落紅自留  
澹樸氣獨羨友恭風白首天倫樂予懷嘆道窮

黔雨謠

黔山雨黔中雨多奈若何游子出門行且歌蒼龍上天行  
雨使好洗甲兵慰天子

雨過七星關

關門匹馬走匆匆石磴星橋宛轉通新漲急鳴千澗雨奔  
雲迴合四山風人懷諸葛磨崖古地扼黔荒作鎮雄卻笑  
披裘逢五月宦程仍是嘆飄蓬

不奈

不奈長途苦翻教客病增市荒難覓藥夢覺喜然燈憶遠  
愁逾集耽吟戒未能故園家好在聊寄尺書曾

拙學齋詩草

初編十二

四

曉雨

荒山樹作無情碧曉雨花含別樣紅黔地自來晴日少黔  
峯多在有無中

野店

曉色初開霽荒涼野店過箒深尋路入雲重覺山多鳥雀  
窺人下衣裳得氣和中途漫容與無計慰蹉跎

可渡

可渡河邊路青山豈舊時滇南今問俗亂後儘成悲澗水  
寒逾急村醪醉獨辭自憐荒裔外涕淚有新詩

倘塘

野花香一徑晚宿得山城深入忘艱阻窮邊苦甲兵人家  
煨燼後身世亂離情津吏勞相問斯才信老成

宣威寓舍

已入榕城宿鄉心一倍愁青山當戶坐白日爲誰悠天遣  
官仍客人疑夏似秋偶然成小醉清興點詩籌

耳底鄉音似關情如到家雲山書過雁仙洞桂應花拂帽  
黃塵滿挑燈綠鬢斜故人偏慰語不用感天涯

別子敦

離居情不極珍重此時心

君以予旅費告  
置獨留宣威

客裏難爲客吟

成斷續吟勞踪泛萍梗舊夢入榕陰蕭寺分攜處微涼酒

拙學齋詩草

初編 十二

五

漫斟

山郭

去去出城郭客程聊破顏宛臨香象渡平揖石龍山

宣東山又

名石龍又象山如象形耳鼻皆具亦如吾  
郡之象鼻山然不獨榕桂與故鄉同也

東道烟烽警北

門鎖鑰環憑高極凝望真欲快躋攀

野興

日落山原路人家竹樹深野風生屋角荒石砌階陰是處

蟲沙歎無邊鴻雁音收民知不易聊爲寫予心

曲靖道中

建甯沿革古郎州白石空江繞郡流犖角山程疑有虎榛

燕田賦總無鳩夕陽人過村邊市野草烟迷樹外樓回首  
當時安爨業窮荒鼓角入新愁

多難頻年覽物悲斷雲風動影偏移勝峯西峙猶形勢湘  
水東歸只夢思何日兵戈銷浩劫依然城郭控諸彝漫漫  
舊蹟堪憑弔戰壘高懸十丈旗

魚鑰深深夜閉關飄蕭歧路悴心顏將軍碑碣莓苔洗丞  
相祠堂水石環客裏看花情黯淡夢中題句淚潺湲三年  
萬里經行遠此去鞬鷹那放閒

自曲至滇率竟日渺無人迹偶書所見

野荒人跡絕百里靜無村山草自深色天風欲斷魂遙情  
拙學齋詩草 初編十二 六  
不可極殊俗况難論偶值樵夫問災黎幾戶存

六月三日楊林書事

慘慘楊林夜鼓聞連營遙指亞夫軍青燐白骨埋荒草黑  
月黃沙過陣雲鵝鷺千村諱不靜狐狸幾輩嘯成羣劫灰  
待冷潛師退火急催人又策勳

抵滇垣僦居五華山下

山人居止愛山前奔走黃塵只自憐萬里要荒墮南服一  
家骨肉感中年清晨嵐翠侵衣重向晚風高落帽偏詩句  
過煩賢主問此心還在嶺雲邊

旅夜述感

人生能得幾分離三載羈孤困不支寶劍青萍豪士淚深  
燈紅豆故園思滇風黔雨迢迢歷狔草蠻花處處悲見說  
羅平妖鳥惡腐儒憂國更何之

寄懷家兄

東望淮波意可憐一身遠隔萬重天于戈兩地同茲恨音  
信何時到子前宦拙頓增今日悔才猶敢慕古人賢故園  
桂樹還招隱欲謝塵勞省僕緣

滇城晚眺

眼中歷歷成荆棘萬里邊疆景物悲山色翠摩諸葛壘夕  
陽紅壓阿姑祠惟餘城郭空千古欲起瘡痍定幾時我本  
拙學齋詩草初編十二

七

喜雨有作

時亂愁羈旅官貧仗友朋懷歸吾豈不學仕亦何能忍見  
榛蕪滿還憂疾病增茅檐聞送喜密雨看雲興

武侯祠

南人不復反丞相自天威計只攻心上功留遺恨非要荒  
餘戰鬥祠宇悵斜暉欲起先生問千秋此布衣

晨興偶作

啼鳥啞啞侵晨興衙鼓逢逢何處鷹衣棉六月忘炎蒸新  
涼雨後尤難勝街塵靜絕清如冰散佛初歸三兩僧

案頭孤檠耿微碧草間溼露滴成白攬衣出門響雙屐僕  
夫顛舞床下擲有人紅日高一尺寒戀重衾卻謝客

贈靖壽丞大令同年

華璧

兼懷棣笙

京華殊未遇滇海此相親卅載虛名累微官異域貧遠天  
多白雁好夢入青蕪更想王喬舄分飛何處身

夜

燈意怯微風影搖弄疏戶起立向天街雲陰將作雨

雨中望五華

陟山心喜近望山心愛遠我居五華旁習見且至晚今晨

坐盥櫛盤雲到偃蹇石氣如涌出雨涼墮危坂何當尋荆

拙學齋詩草

初編十二

八

關寫此絹素本

雨止復作

雨奇晴亦好翠色分龍從茲山俯滇城一氣蒼莽中只餘

浩劫哀萬竈吟沙蟲碧雞翼其西金馬朝於東四顧爲憑

弔天地爭清雄

友人留寓小飲

扣門來嘉客清風到山館提壺踏階石石上屐齒滿

往事不必嗟來事要可理巖城聽殘更更人生行樂耳

傷滇事作

滇南禍始事莫知我來已當滇亂時干戈瓦礫紛滿眼道

旁老叟向予悲云是漢回互仇殺就中曲直難平治死亡  
殆半劫亦虐仰視天帝空仁慈漢人何愚回則黠以萬敵  
百終不支兵塵厯入氣漸振回智又狡牽諸夷吾觀回罪  
那可追奈何漢奸中相持將官伊誰慮水懦驕盈惟解橫  
忿雖不死於回竟死練朝富暮貧靡子遺菁英既竭復豈  
易竊比粵地甚矣罷辭家三年此宦轍况味奚翅嚼蠟爲  
窮薄賦命不敢怨但傷骨肉長茲離眼前我是牧民者俯  
畜尙爾孤恩私百端殷憂撫身世寸心隱痛成溺飢晨興  
兀坐默有憶不覺淚下如連絲邊荒烝黎天所憫譴怒庶  
息逢春熙

拙學齋詩草

初編

十二

九

再傷滇事

滇民氣索悲喪逃滇中宦苦嗟我曹梁肉文繡豈必羨飢  
窶困厄增煩勞皇皇如狗身子立同人握手空號眺橫飛  
湯火今幾輩并李可食遺餘螻此生迂拙况世厭雖有懷  
抱烏能豪俗夫談兵盡耳語古來相士終皮毛悠悠滇事  
患心腹滋蔓難圖絲琴撓眼看帑需糜鉅萬問誰軍旅嫻  
六韜烝黎固窮官愈甚連營怯戰惟貪饕可憐衣服被巾  
幘怒目瞋視腰帶刀遇敵退舍此獨勇搜括府庫恣驛騷  
斯風不息禍未已夷回又等輕未毫經旬小住芒刺背憂  
腸百結深鬱陶安得返轡趨林皋隱居避地長醅醕

倦遊二首

憂來時事厭紛紜，夜雨浪浪况忍聞。  
兄嫂淮南家桂水，友朋薊北我滇雲。  
看花興懶觴空醉，乞米書多筆欲焚。  
滿目河山孤枕淚，倉皇底願狎鷗羣。

未能便學魏公子，已愧當時馬少游。  
萬里勞踪逾壯老，一生知感備恩仇。  
姓名頓悔齊竿濫，歌嘯深含楚些愁。  
臣朔忍飢誰獨飽，無田且欲賦歸休。

棄婦詞

心如黃金身似白璧，獨何棄予無已自責。一解  
自責伊何匪咎之故，有命自天獨逢彼怒。二解  
怒我責我曾不我可。

拙學齋詩草

初編十二

十一

寸心憂傷傍徨道左，三解行無人知事無人見。  
矯矯初志

久弗能變

四解

聞少村恬齋僕捷南宮慧生仍下第作此寄意

廣文讀書老京國

少村

五十秋駕方成名，謁入一官不得

選別來頓喜當春鳴，翩翩文事數高致。蜀士慧生竟亦輸

聊城

少村聊城人

廿年同譜偏蹇滯

慧生與予同舉鄉試

令我欣慰憂懷

并就中窮交得鄧子

恬齋

客居輦下難為情，縕袍不煖衾

被薄飢寒寄食如長卿，忽聞曲江領嘉宴。譬彼出谷遷喬

鶯天公厄人極，必變始信造化多。屏營憶昨平揖燕，臺畔

酒酣迷夢神魂驚

有人夢恬齋獲雉於是科今名次皆未甚懸亦一奇也

與予三君

皆契洽但恨一士遺菁英我貧坐嘆百不獲茲者所處彌  
榛荆無識自鄙遭世眼繡絲更使平原輕嗟哉奇困甚矣  
億人生百歲何由亨寄言吾友遠萬里深燈苦念顏爲頽  
他時望我日南道誓將歸去投簪纓

楊蓮舫大令昨在都省母旋津門今禮闈仍報罷詩  
以懷之

我昨送君歸省母歲星在午月在酉津門路踰京華近知  
君得奉高堂久黃塵萬里西南奔我今馬牛真下走平生  
懷抱寄同志期君登第什八九誰道文章竟憎命捷書遍  
報君獨否從來奇士天所忌有如鰥生窮不偶君才十倍

拙學齋詩草

初編十二

七

視流輩觥觥至性抑何厚虛名苦奈世吝惜薄祿可信易  
消受六月音耗到我側沈沈兩夜倦呼酒羈孤默憶昔少  
年養親亦欲博升斗蹉跎廿載壯至老祇含酸辛心與口  
君獨有母可承歡官職聲名况入手魏科不用一時美真  
樂但求百歲壽春暉寸草念復念遠游關山重回首兩情  
契好等骨肉霜鳴豐鐘大小扣一篇造贈竊自嘆彩雲直  
北君我友

誌感

負債身如求宥罪貸錢心抵盼登科事從虧處翻蒙毀功  
未堅時祇受磨低首半生吾老矣蟠胸百怪奈君何端居

識盡芴連味暫倚清尊擊筑歌

前詩鬱鬱復以自解

鬼狻前後何哀哀，搦側卧虎窟如雷。盜跖兒男愛阿堵，古  
人屠狗真豪才。游窮四海孰青眼，劫急邊關問黑灰。看取  
胸中一明鏡，肝膽照破無纖埃。

奉題吳和甫學使繫懷圖

我行半天下，足陟十萬里。雨升日觀峯，九泛洞庭水。祝融  
屐偶登，采石舟復艤。於南趨海角，珠崖與儋耳。邇歷秦蜀  
道，遂辭幽燕軌。滇風黔雨中，烏帽黃塵裏。微官田園興，那  
不念桑梓。鮑鮑吳學士，相見歡笑起。一談塵殷憂，再談消

拙學齋詩草

初編 十二

十一

吝鄙餘事且詩及，謂可窺宗旨。繪圖示襟抱，乃在江上泚。  
平生謝公跡，並遣郭宏紀。五雲樓閣重，一幅金碧指。觚稜  
何眷戀，烟霞欲料理。我窮櫻世網，對茲轍心喜。故山甲奇  
秀，何日歸徙倚。公信鸞鳳姿，才豈蟻蝨比。期養斗山望，益  
聆石渠美。輶車此將邁，回首烽燧靡。優游赴輦闕，吉祥頌  
止止。

七月望後奉檄攝篆南甯卽事書懷

昨從味縣經過好，橋度瀟湘一水清。  
南甯水曰瀟湘江宛如吾鄉湘水與瀟合

流而得名橋在南門外晚雨自逢秋節近，微官真觸故園情。雍容簿

領談何易，料理琴書快。此行尙愛五華看，不足載來山翠

滿輿旌

秋夜

秋心一明月涼夜露沾衣書付橫空雁雲山可當歸登樓  
結遐想獨坐愛清暉拍遍闌干曲歌成和者稀

九日

九日憐羈宦荒庭細雨斜寥寥噪烏鵲渺渺對黃花詩思  
於今減愁心何處家最慚彭澤令濁酒未堪賒

歷下李小嵐太守

鴻臚

與予兄權之同年夙契又知  
予曩客山左最久故爲予屢言明湖之勝茲由滇垣

寄書來附詩束尾道及曲城風物作此漫和

拙學齋詩草

初編十二

三

清狂如我憶年時白雪樓荒故故思山看誰華原舊好人  
來蠻焚又新知眼前消息陽春曲耳底烟烽急劫棋還說  
勝峯無限美湖蓮池草夢參差

仲燮兄壽州書來有詩見懷卻寄

懷君飛不到君前一紙魚箋倍黯然憂患深時多歲月軍  
書叢裏有詩篇弟兄白髮人俱遠皖粵離悰月共圓淮水  
湘波獨惆悵未成歸隱只啼鵑

雨夜再寄

雨夜烏啼冷天涯念此身喜看音信遠惟有弟兄親城近  
山遮屋窗虛樹作鄰挑燈還自語何用惜清貧

擣衣曲

車輪無角蹄不方漫漫遠道深怨郎清砧急鳴杵上露路  
人聞此聲斷腸何況擣衣神獨傷

寄衣曲

寄衣白狼河復書告妾歸故窠寄衣金馬關復書告妾還  
鄉山鄉山迢迢故窠冷賤妾明珠竊顧影妾是萍根即萍  
梗

始寒二首和子敦

朔風獵獵異鄉心才可偷閒便習吟松意知寒宜我伴酒  
腸無力爲君深腐儒白面人皆誚遠道青山雁未沈昨夜

拙學齋詩草

初編十一

十四

庭前木葉下巖城還聽數聲砧

記解輕裝翦燭辰清瀟花發過三春江湖作客天難問歲  
月如梭夢又新濁酒深燈將盡夜一官萬里未歸人綈袍  
戀戀君知否獨有交情老更親

宿白水驛

衙齋三月不看山官事牽人忙亦閒暫語桑麻疏簿領敢  
誇籌策控邊關時履勘驛城舊基議復修築鳩工最便民安業虎政無  
苛吏聳顏白水心盟今此宿驛梅香破早春慳

署齋三月得詩五章昨宿乃吟成五首疊前韻白朝  
烏帽黃塵不爲山老夫行路當偷閒一腔詩思渠翻水五

夜鄉心月度關時事可嗟餘傲骨文章無用亦羞顏問天  
乞取歸田樂二頃生涯倘未慳

再疊前韻

薄游何意見青山貧愛心清老愛閒地煖冬花猶灼灼林  
疏宿鳥自關關行披敝褐風侵髻倦倚高樓酒上顏一事  
寸心忘不得天涯骨肉嘆緣慳

子敦屢計歸省行期將迫作此以贈

不逢故里人來久獨辦歸裝客去遲萬里梅花香冉冉一  
天芳草夢離離雲山有約先春到書劍更番悵路歧我記  
片言君應喜瀟湘真箇赴心期

拙學齋詩草

初編十二

五

男兒作客尋常事游子思親宛轉心別易會難偏獨感月  
來歲往苦悲吟但逢鴻雁多傳語欲挽驪駒爲賞音從此  
勝峯真嶺畔憑高愁絕暮雲深

與子敦夜話

邊風吹雁老寒月背燈疏今夜一尊話故人千里餘相看  
惟涕淚難得是居諸菽水君情重終天最感予

子敦以道阻仍不果行復此爲贈

征馬何時去飛鴻不一來獨憐山月下驚見驛梅開志切  
年光誤愁生道路哀且欣仍共話葭管動寒灰

聞叔淵由濟南歸江左悵然憶舊有作

湖水當門處憐君舊此居誰知慳把晤此際獨踟躕江海  
人歸遠關山雁到徐布帆祝安穩片月望階除

拙學齋詩草

初編 十一

六



人繪整關山雁到徐布帆祝安穩片月望階除  
臨水當門處憐君舊此居誰知慳把晤此際獨踟躕江海

拙學齋詩草初編

臨桂 廖鼎聲 金甫

傀儡集十三

庚申

庚申元日書懷

流陰脉脉換春陽  
梅老含英亦自芳  
待轉天心成樂利  
欲紓民氣盼豐穰  
一官白水盟猶在  
卅載青雲願可償  
憶遠晨風關骨肉  
桂山淮浦鬱相望

春至

春至縈鄉思  
官貧無世情  
酒須逢客醉  
花獨向人明  
雲幕雙潭路  
風和滿縣城  
殷勤說民牧  
何以慰蒼生

拙學齋詩草

初編 傀儡集十三

偶感

謠詠嗤譏口  
辛勞矢寸心  
清風仍似舊  
春色又而今  
寄遠梅花驛  
懷歸桂樹林  
蕭然成獨坐  
倚劍一長吟

送吳和甫學士還朝卽再題其江渚退耕圖

學士清才天所賦  
山川更與助龍門  
竭來蠻徼兵戈後  
忽憶江鄉松菊存  
出處一生明素志  
文章千古見君恩  
退休未必容公隱  
天祿奇書待討論

雙龍潭祈雨有作

山城侵曉月的的爲誰明  
言訪雙龍去偏勞小駟行  
箚深風自掃澗活水無聲  
心苦關農事甘霖幾日成

越鄉

越鄉忽五載春事過匆匆江海飄搖際乾坤戰伐中老羞  
花入鬢閒憶桂生叢傲吏因貧得無爲嘆道窮

卽事感作

老尙低頭衆不驚雄心灰盡氣難平分無騏驥追風想悔  
失鷗魚舊日盟對酒高歌餘傲骨停琴微笑有深情一身  
已是人間蝨世網空勞繫重輕

送子敦歸里

一載親情重君行我獨留黯然成此別那不令人憂桂樹  
團團月榕陰矗矗樓能歸奉菽水真樂信前修

拙學齋詩草

初編 十三

二

越日子敦書來復此誌心

心隨君去遠書與淚交并白髮能無嘆青山共此情雪泥  
懷旅迹雲外數歸程故園花間酒相思就獨傾

懷子敦

別去君心戀倚門勝峯回首暮雲昏關河我亦懷鄉客樺  
獨清樽總斷魂

梨花如雪杏如霞一路春風送到家他日故山招隱地白  
頭相守話天涯

春風

春風吹不盡一半是離憂薄宦羈邊徼辭鄉易白頭無人

知我拙有客替花愁默默含清怨吟成且自休

城樓晚眺有作

煩憂不可極天意獨如何故國音書少荒原戰伐多寸心  
甘澹泊疾首苦蹉跎俛仰無窮恨登樓且放歌

張烈女辭

南甯張鏡湖學博之女

女曰張身屬婁氏婦婦雖未成人心豈獨否穀則異室死  
終不朽一解死從夫蜀江魂魄歸來乎女貞亭亭鬱不枯

二解枯海爛石此心不易從容以殉身何惜三解可惜父

母心痛女亦何深四解父兮母兮毋苦傷兒志決須臾兒

身維綱常五解綱常不可壞鄙夫一聞當下拜未嫁之婦

拙學齋詩草

初編十三

三

且若此萬歲千秋垂爲誡六解白石有水鳴清泠輶軒采

風筆留馨我爲歌詠孰忍聽何況乃父乃兄言之先涕零

七解

月夜聞笛

天風吹月弄春晴欹枕高樓夢不成等是離人幽怨極笛  
中偏作斷腸聲

旬日間得仲燮兄壽州所寄書三函愴然有寄

別兄今已久憶弟屢成書聞道兵戈際仍然歌詠餘將詩  
還付雁每食尙無魚太息從東望雲山慘不舒

頭銜君豈羨心緒我能知香草幽憂獨寒松勁節持無田

聊吏隱幾輩笑書癡簪組吾謀拙勞生悔亦遲

苦不得粵中消息二月十九日忽接兒子輩戊歲所  
寄一書經今兩更歲籥矣書此寄懷

一書動三載苦別恨髮鬢烽火鄉園夢微官暮歲心家貧  
知勵節骨做學長吟名是平生累兒曹戒此深

苦早有作

長繩汲水井水渾狂風滿野雲不興一春無雨農愠色殷  
紅凝血東日升叢林深窈澗活活雙龍乏術驅早魃何弗  
上天奏民艱天瓢手翻拯饑渴

答友

拙學齋詩草

初編 十三

四

吾年未五十頗懷厭俗心強爲卑賤官高門曳長襟故人  
山中書招我松間琴陶公歸去來千載真知音浩然發悲  
嘯世途猶崎嶇

有憶

十載湖山舊夢違梅花如雪撲人衣橫雲那少迴翔雁恨  
事書空不忍飛

人似蘇卿嚙雪時韶華流水兩心知春婆未醒秋娘老嬴  
得頭顱鏡裏絲

病起感作示同人

身落蠻荒世眼輕自憐天壤有才名折腰已愧陶元亮涕

淚誰如阮步兵病起深燈嫌夜永豪談一劍入空鳴綈袍  
爾亦悠悠者何日能忘鮑叔情

喜雨

雨事農應慰春光物漸齊水鳴知澗活雲重訝天低驛騎  
聊堪駐林鳩且莫啼更欣消息好鼙鼓定巴西

書懷

淒涼舊事難重說宛轉新愁亦自知生我天教憂患老懷  
人書與夢魂馳蠻花狁鳥關心緒烏帽黃塵悔髻絲安得  
退歸耕且讀嶺雲相對度年時

漫題山寺

拙學齋詩草

初編十三

五

招提自古入山深落日惟聞清磬音我自煩勞思避世老  
僧不用起塵心

雨中招集黎葵圃提舉

令儀

丁小圃大令

翰

署齋小

酌卽席漫賦

蝸角勞踪卅載間何嘗烏倦不知還風塵荏苒逢今雨烽  
火蕭條夢故山瘦損維摩成善病滑稽曼倩一開顏料應  
真樂無關酒暫此逍遙懶是閒

孫雲樓茂才

爾斌

以所作詩見質書此歸之

漫卷殘篇簿領餘問奇偏駐到門車君看長吉誇牛鬼李  
杜光芒總不如

豪狂曩事託謳歌書劍無成老奈何若道此中真訣秘苦吟應嘆古人多

奇才難得更清才一脈風騷聖處該拈出正聲君悟取橫流滄海待誰來

一笑

一笑卑官百不能任看世變逐雲興含憂身似長羈馬求退心如久定僧碌碌因人從未許茫茫知己亦何憑相將俛首浮生過起舞中宵淚滿膺

雜感

我生甘澹泊耳冷心易灰膏腴尚不潤况此區區爲俗夫  
拙學齋詩草 初編 十三  
六  
貴鎚銖趨熱常自媒羣蠅逐腥羶那識計已卑百年一瞬息傷哉時亂離飄搖念鄉井地苦無立錫豈不懷歸去何以酬恩私昔人重義氣此道今摧隤摧隤亦任爾挽救終屬誰冰雪日勵志江河思起哀君看筆瓢樂彌困簪組羈悄然發深慨奮筆抒予哀

懷閻慧生

閻生意氣人中龍酒酣能作雙眼白卅年傲骨誇峻嶒鬚眉老尙京塵客逢君乃在笙歌場握手大笑神洋洋有時蹙額談世事各無一語含憂傷嗟予本是悠悠者側身天地淚盈把夢魂顛倒莊周蝶功名得失塞翁馬獨憐醉飽

從侏儒而君蹭蹬猶泥塗豈真男兒誤識字爲惜良賈終  
還珠自別君來歲荏苒舉觴不歡詩事儉梅花憶遠隴月  
寒芙蓉插空蜀道險簿書坐領何紛紛悵想燕臺日暮雲  
長安寓居久非易夔門歸棹仍不聞不聞消息我心惻頗  
怪隻身戀雞肋鍾期伯樂當是誰許由巢父亦自得臨風  
且寄天邊音何以報君青玉琴一彈再鼓試堪聽流水高  
山成古今

古意

盈盈天上月但照人別離人去當還歸月缺有圓時  
君如桃李花爭春作妖冶妾似松柏枝雪霜任飄瀉  
拙學齋詩草 初編 十三

七

偶作小詩四首

我憂常在抱我樂亦自寫吁嗟憂實多愴然而涕下 吟情  
兀兀北窗下此境真游仙莫笑邯鄲生甘苦終徒然 睡味  
荷鍤劉伯倫攜榼陶徵士我無杯勺量取譬道在是 飲趣  
時事聒人耳未聞心已倦詠諧四座歡吾乃希曼倩 談風

三月廿六日受代有作

八月經時久閒拋此簿書不聞苛似虎敢嘆食無魚詩酒  
留真趣親朋半索居夜深歸夢好歡笑滿庭除

小草

枯根的歷負韶光百五春風爾許狂名士節如松傲雪美  
人心比菊含霜偶逢搖落彌知勁若鬥妍華亦自傷辛苦  
苞苴成底事王孫歸去獨蒼涼

奉題周小蓉太守範攜琴看劍圖

平生磨劍未嘗試今見英雄惟使君泉水清猶在山日松  
枝高遏碧天雲醇醪快飲比公瑾囊琴不鼓如昭文身是  
悠悠塵俗吏心儀真欲瓣香焚

讀怡志堂詩有懷伯韓觀察

細思往事情難說每讀君詩涕欲零庾信平生此蕭瑟杜  
陵老瘦尙飄萍滇南今亦多寇盜江左何時洗濁腥天末  
拙學齋詩草初編十三

來日大難

春風拂拂酒酣起舞久客思歸其淚如雨  
來日大難今日盡歡爲歡不盡揮涕汎瀾  
素琴一彈誰是知音浩浩千古寥寥寸心

移居三首

移家書百本差喜未傷廉夜月光初吐春風氣不尖得聞  
爲我福耐老有天兼却意還鄉樂山雲坐拂檐  
靜中觀世事一笑轉堪嗟兔狡謀仍拙蠅營語亦差有書  
愁蕙苴無匹嘆匏瓜知己終何處蒼茫問水涯

晚燈吟未已拍遍碧闌干廉吏家風古儒生舊日寒無聊  
傷久別何苦戀微官灑水清冷甚呼兒買釣竿

浮名二首

浮名奚足羨歸隱竟何時浪有人間譽終成轅下妾胡盧  
供自笑傀儡戲堪悲直道今猶古吾將柳惠師

萬里天南遠無人識姓名小臣知報主絕域未休兵黨  
禍憐涇渭時艱賴老成男兒終慎守辛苦歲寒盟

懷子敦

一從揮手少知音牢落人間志士心白浪如山舟似馬計

程應渡蜀江深

拙學齋詩草

初編十三

九

漫題

屋如舟更小不繫亦云何歲月堂堂去文章故故多愛留  
花作伴長與鶴相過官事休勞問能言愧祝鮒

閏春卽事

幽賞情何極韶華閏又新花光仍醉客山色鎮留人寄柬  
遲鄉邑含情問水濱劇憐羈旅慣二十四回春

亦知簪組誤偏爲簡書忙景尙延今日貧難住此鄉幾番  
遭白眼一寸厄黃楊差喜塵懷滌微言悟老莊

遣興

無心關世事誰識厲公閒酌酒清逾骨看花笑解顏晨興

理巾帽午夢破刀環卽此差堪喻開籠放白鷗

晨餐有作

庖人鮮鮒進晨餐樽酒微醺氣不寒身縱長貧傷季路客  
仍兼味勝馮謹酒徒落落稱知己花事匆匆誚熟官嬌首  
鄉閭歸便得鷓鴣底用一枝安

姑惡詞

姑惡姑惡姑惡奈何姑卽不惡小姑奈何 一解 小姑譽言

姑如不聞小姑讒言姑獨有聞 二解 吁嗟小姑人妾不如

人有寶玉妾無金珠 三解 金珠何爲姑心獨喜衆雖譽妾

不知孰美 四解 譽言在遠讒言自近姑心庶回小姑慍慍

拙學齋詩草 初編十三

五解 妾命雖賤上屬皇天小姑雖貴不堪乞憐 六解 姑惡

姑惡小姑助虐妾生有此不如溝壑 七解

勝峯寺

山雲浮空日弄影箐深自造幽閒境偶聞時鳥辨春秋迎  
客野僧衣不整我慙俗事鎮牽牽哦詩暫下月在嶺

登大營莊樓

莊樓矗三層乘興聊攀躋田原弄春色溪水明玻璃農子  
荷鋤歸夕陽山半低信知林泉樂旅思含愴悽笑問茲何  
名連營誰鼓聲告余古所置望遠心獨迷

恭家橋

平橋流水自淒清  
綠樹千章畫不成  
大好風光足招隱  
更攜柑酒聽鶯聲

朱櫻

又食朱櫻逼暮春  
掉頭往事感風塵  
筠籠細檢圓千顆  
竹葉徐傾醉百巡  
憶到園林丹荔熟  
抵將蠻徼寶珠新  
撫時我自懷清潔  
廉吏家聲肯諱貧

客有來述予在官時事者詩以謝之兼寄仲變兄壽  
州寶珊兄沅陵

文臣愛錢自惜死  
武臣惜死兼愛錢  
悠悠塵事不堪說  
兩年滇國心茫然  
繫匏一官吾獨悔  
懷清午夜盟蒼天  
有兄

拙學齋詩草

初編 十三

十一

遠仕淮浦上食貧未改仍寒氈  
堂星苦嘆別已久江雲顧  
望吁可憐沅陵迢迢又阻絕  
宦情稍勝言難傳不道儒風  
守真素敢希古哲爲差肩坐  
客殷憂起相訴欲語先見涕  
而漣馮公命薄才亦短叔牙  
誼重嗜或偏請爲膝上鼓瑤  
瑟退銘座右揮魚箋潢池側  
聞兵氣盛更問治績誰仁賢  
尺書報我略慰藉縱無二頃  
還歸田

鎮日

鎮日閒吟深閉門  
文章今見古人尊  
官如作客匆匆過  
詩是窮交細細論  
愁病長卿堪賦賣  
饑寒臣朔有家存  
才名宜避身宜隱  
獨夜聊爲酒一罇

子敦書來極感予臨別相贈之意作此以寄

憂能傷人吾老矣書如晤面子何之千里歸途三月暮百  
年世事一局棋請看叢桂勾留處多是鄉雲眷戀時他日  
山中侶猿鶴開觴須訂別來詩

遣僕漫賦

平生我愧虛名累感舊茫茫一片情奴縱愛才如穎士世  
無知己老侯嬴放歌白日消長晝偕隱青山想退耕憐汝  
歸休對妻子淚腸酒眼氣崢嶸

白石榴花

亦欲拋除絕豔名紅裙休妒素裝輕風光別樣心俱淡火  
拙學齋詩草

初編十三

三

色全消眼倍明結子料應如玉潔託根先可語冰清呼來  
醋醋勞君問脂粉如今畫不成

閒居一首示雲樓

閒居託吟嘯蕭散坐一室時感求仲情肯示維摩疾念予  
少孤露奔走常橐筆此官不易得卅載無暇逸風鶴驚鄉  
閭沙蟲嘆邊域來趁萬里行仍笑六月息世兒矜高才凌  
空已突軼下視黃塵中顧我猶深嫉悔作識字人乃乏致  
身術昔聞於陵生并李膾半食匍匐何太勞終竟廉士匹  
又聞柳下聖直道亦三黜不去父母邦介節持愈力吾儕  
偶然耳所得未償失會有皇天仁自占履道吉惟當羈旅

懷陶寫頗難必悠悠望衡門樂饑水之泌簪組固易投松蘿待何日興公信知心談藝盡歡暱春風吹衢路過從月每出不道門羅雀頗許坐捫蝨俗事間相告一爲歌取瑟

詠槐二首 有序

南甯縣署中老槐也予旣罷任猶居曲城乃補作是詩并及予所寓居以示張葆初廣文孫雲樓王

直亭兩茂才云

老槐何槎枒疑是百年物垂枝問囚廳雙幹各奇崛一樹挺然立空翠弄葱鬱其下古井深傍根不煩掘一樹就傾側蟠龍卧秀鬣發以數仞牆隔院風拂拂我日事簿書對拙學齋詩草 初編十三 三  
汝心勞佛未暇觀汝容春事過飄欵今茲去官閒吟興不可訖憶汝如故人愛汝能不屈繫比召伯棠剪伐庶幾勿愾乎發清詠寸腸隱齋祓

我居廡廬側高槐又雙挺誰歟手種此假館亦首肯迴樓得三楹盡室棲可竝簷前置琴書簾下設錯鼎時招清風來寒綠色洗洗晝長俯危檻人高與樹等頗感王子猷對宇路非迴更爲闢精舍不嫌低如艇朋輩數相過詩談妙欵譬吟蟬迨夏初片月生夜炯豈猶戀官勞消閒啜苦茗語謝二三子槐安夢易醒

所居樓前有小柏二株作詩慰之

小忍冰霜定幾時  
輪囷會許歲寒姿  
眼前百尺輪樗散  
客裏高樓感鬢絲  
春雨流膏資長養  
天公造物有恩私  
幅巾樽酒先生醉  
留種新陰好護持

燈下繙閱所作詩漫題誌感

十詩九作歸田想  
有田不歸視息壤  
吾生自感塵勞深  
半世跼踏空俛仰  
年不滿百千歲憂  
身獨何居志非廣  
君不聞屈平幽怨詠  
萑薹又不聞杜陵悲  
歌拾栗橡鯨魚跋浪  
須幾時蒼狗浮雲變  
疇曠嗚呼適意安  
在多狂吟不覺慨  
以慷我所思兮在何  
許霜鳴豐鐘應如響  
圖與書自欣賞  
釣與游或獨往  
山可登屐幾兩水可  
泛舟雙槳吾友者誰  
拙學齋詩草  
初編十三

古

石爲丈五柳之陶  
三徑蔣北山移文  
焉用相誚譏終南  
捷徑那必事擾攘  
誓將去汝蠻觸紛  
爭之戰場且將辭  
汝馬牛下走之世  
網坐茲方寸中  
恍若秋氣爽宣  
聖昔有言歸歟  
念吾黨吁嗟乎  
有田不歸視息  
壤無田卽歸亦  
指掌更爲此篇  
叩蒼鴻明月在  
天心朗朗

飲酒

我不善飲志在酒  
輪囷詩胆自俯首  
棟花開過安榴放  
南荒氣早得溫厚  
今晨一雨生峭寒  
春閨三月衣裳單  
聊攜清樽對書史  
冷吟閒醉如高官

欲致黃金苦無術  
欲買良田又安必  
夢中忽逢妻孥笑  
匹

夫懷璧恐見嫉行路之難如升天太行萬仞來眼前鴟夷  
腹大載何許這子名譽真徒然

雨後

雨後涼如秋窗樹滴寒綠雙鳧啞啞鳴時就階前浴  
一燈明靜室彳亍人弄影叉手吟未成鏗然寺鐘警

偶憶成詩寄內

親愛頻年別愁心與病兼似聞歌燕燕那不愧鷓鴣意氣  
伏轅駿功名上竹鮎封侯吾豈羨鄉夢墮茅檐

寄蓮姬

苦心中的的素手一摻摻鸚鵡籠中舌鯉魚江上函可堪  
拙學齋詩草 初編 十三  
吟繡被不復熨春衫弧矢男兒志仍憐白木鐸

大觀通志見蘇行遊之誤收代天太行萬仞來眼前鴟夷

拙學齋詩草初編

臨桂 廖鼎聲 金甫

傀儡集十四

庚申

立夏日偶書

閏春已及半首夏茲權輿氣寒忽若冬時序真懸殊憑高望故鄉一爲心踟躕

緼袍如窮交相親自易煖垂簾聽山雨綠樹罩孤館素心喜獨晤茗話清欸欸聊賡栗里句正養稭康嬾

出郭野步

主人絕世慮徒步散郊野雖無絲竹韻用以自陶寫行行拙學齋詩草

初編 傀儡集十四

入孤村漸覺僕從寡松下坐幽憩冷然風善也放夫牛背來疑恐是隱者

郊居

林晨聽啼鳩渡晚看洗馬郊居妙寂靜嫩綠綠苔瓦雨晴春事深雜花仍艷冶一枝紅出牆有情莫浪把

臨漪園

昨游臨漪園官書頻問訊茲行得暇逸春袂恰置閨方塘荷欲青岑樓松彌峻塵勞浩回首舊夢猶一瞬還撫爨君碑吾衰感雙鬢

響井 所居廬前井名

石泉靜夜鳴此井獨中空誰置調水符修纒試一弄吾觀  
懷若谷自然理可洞請叩微妙旨朝朝行提甕

次韻仲變兄見寄

宦味交情薄似紈天涯誰惜雁行單中年骨肉悽同慨異  
國雲山好獨看元髮有霜催老易素心如水賞音難羽毛  
雙鶴參差甚手檢魚箋一爲歡

疊韻寄內

秋閨零落怨齊紈錦字連波形影單機上鴛鴦空自譜陌  
頭楊柳爲誰看美人遲暮虛名累兒女風雲短氣難願得  
耦耕如冀缺不教離合鎮悲歡

拙學齋詩草

初編十四

夏家屯遇雨作

畫橋烟雨綠陰深十里河堤暮景沉尙喜前山含日色斷  
雲吹過樹森森

有感

城市原堪隱嗟予百不勝官書急似火詩思冷於冰未改  
因人誚聊同下走稱滇風殊獵獵吹瘦骨峻嶒

勞人一首

勞人如怨女幽憤若爲情時事青春誤羈孤白髮生懷珠  
羞自媚獻璞苦相輕漫把長門鬻文章亦近名

復雨

晴天碧四角微雨又灑灑窗曉來清風不用一錢買  
城頭俯看山樓際仰觀雨浩然生遠懷綠波漲南浦  
美人芳草心言涉相思江濛濛片雲飛下有尺鯉雙

讀書作

陰陰夏寒等冬肅浪浪山雨坐茅屋靜中觀物得自然倚  
檻低頭抱書讀何物莊生言入微我魚忘機在濠濮

憶故山行

女媧煉石五色不盡用化爲千朵萬朵青芙蓉擲向炎荒  
作奇觀拔地四起空中峯我家對山結茅屋四時常靚烟  
嵐重如笑如滴又如妝與睡崖崩澗絕往往可望不可窮  
拙學齋詩草 初編十四 三

壑騎蒼龍

偶成

宛爾家風瓢水蕭然清與瓶花閒居心無一事尋詩自作  
生涯

枕上

廉纖微雨送春節枕上離情衾裊餒曹騰似夢更非夢晨

雞一鳴天光瞥

慨生詩一首 有序

僕本恨人自逾冠兩親先後見棄與予兄屢躓名  
場別離苦多今且各官一方未卜聚居何日而再  
苒其將老矣家園阻絕又俯畜之未能亦圖歸而  
無計輾轉悲慨難已於言成此章蓋不知涕泗之  
何從已

繫予生之不辰兮少怙恃而俱無惟先德之淑慎兮亦垂  
久而奚渝自幼習於世訓兮尤慈母之勤劬何罔極之未  
報兮徒地搶而天呼繫鴻雁之分飛兮每含涕於路隅茲

拙學齋詩草

初編

十四

四

滯留於薄官兮指參商而殊途羌聚居而幾何兮別廿載  
而贏餘婦停織於深閨兮傷天上之黃姑兒稚齡以將壯  
兮不識父容之肥臞悔楊枝之錯嫁兮且數數以傳書來  
天南之萬里兮撫身手而歛歔等馬曹之微賤兮賦蠅營  
於鄙夫瞻閭闔其最遠兮嘆末流之佞諛心懷鄉以凄切  
兮載欣奔於吾廬守儒風之貧素兮苦心誰訴日酸鼻以  
微吟兮聊堪自娛辭未已而趨趨兮惟皇天其鑒予之愚  
桂山隆隆兮櫛有湖予當卜築於茲兮暫忍此而須臾

述慈詩二首

凡十六章章四句有序

幼與兄束髮讀書皆承

慈母訓四子五經諸書以次卒業時

先大夫出遊四方者屢矣泊予忝鄉薦攜赴春明  
遽罹大故越五年又增失恃之悲憂惶終天述此  
用伸永痛云爾

繫我父母生我畜我維幼及壯劬勞瑣瑣 瑣瑣劬勞詩  
書以教父兮母兮是則是微 則微伊何母兼之師劬勞  
已甚繫予不知 不知劬勞我心冲冲顛天罔聞以降鞠  
凶 歲維龍蛇迄於丁酉旣傷我父又及我母 吁嗟天  
兮匪人之生不可弭忘銘幽告明

傷念詩五首

拙學齋詩草 初編 十四

五

念少時親承訓言及受知之恩而作

先伯父青畹先生

老成不可作我及受公誨青燈課文字娓娓獨我愛何圖  
感風木公亦渺警欬於今三十年傷心骨爲碎孤孫樗櫟  
姿失學惟憤憤勵公復念彼五夜增長愧

先伯父鐘隱先生

京居昔負劍得親神明君政聲溢皖黔荒祠崇惠民儒吏  
今所難百年猶津津我豈千里駒摯愛惟一身吁嗟恆山  
死酸風吹嶙峋公骨尙未歸涕望江之濱 公宰皖江所治  
皆有名輒蘇惠

民祠而祀之余兄權之合  
曲陽受公觀猶在貌也

舅氏朱仲香先生

宅相吾所慙先生已千古昔年守廉州海角傳治譜小來  
詩半卷教之以規矩一別遂不面西州淚如雨明德况無  
後慟心抑獨苦何當酒漿奠稍慰魂踽踽甲午謁公於欽  
州署嗣即聞公  
喪公子若孫今  
相繼以亡矣

座主汪寅禾張桐廂兩先生

癸未兩翰林持籙典百粵皦生纔弱齡秋勝稱雋發方占  
歲在己欽爾秀水歿汪師秀  
水人滇池瞻彩雲灃江弔明月多  
繡仍委蛇風流頓衰歇張師滇甯甯  
人觀察灃州感茲平生情弟子老

白髮

拙學齋詩草

初編 十四

六

業師許岳生先生

吾師英特人春明一未遇咄嗟身遂死黃河咽朝露高堂  
尙有母中饋虛如故卽茲已百年悲哉獨何訴殘篇偶檢  
讀仍餘慨曠句只蕪一瓣香秋風泣長暮

感知詩二首

猶前五章之意前詩追念典型此則關山阻越以  
無從侍側爲悵也

房考師吉曉岩先生

名泰滿洲正藍旗人官甘肅甯夏道

髫齡春勝榮公姿誠天賦十年現宰官遠涉桂江渡愛才  
一片心徑守儒素顧我亦砮硃深情爲陶鑄誰知不舞

鶴翻使羊公誤涼州萬餘里極望失趨步昨聞歸北平對  
牀聯新句何能謝世網從公泛清潞

房考師汪艮山先生名振基安徽旴人官侍講

珊瑚收網羅冥搜到廣石樞衣撤棘餘一見嘆才尺悠悠  
知已懷痛深入心魄江淮弄兵戈公歸無安宅北地開講  
堂蓮池茲寄迹不聞提撕語隨風憶杖烏何以酬公知流  
光駒過白拙宦萬里情聃勉誓圭璧

勵交詩一首

論交半海內渺渺天各方持此幽憤心浩歌益慨慷早歲  
從春明漆膠陽竹士與黃鍊香穀城亦知己黎樹堂爲穀城令資

拙學齋詩草

初編十四

七

政皆同行龍翰臣爲江右藩伯陳東橋莫勵堂盡異物賢俊里開光

晉楚燕魯吳皖浙粵蜀梁一一賦契濶且復區存亡嗟予  
古愚直所取在所長故人意自爾久要惡能忘今來滇國  
游烟塵黯蒼茫宦味苦不樂友朋仍獨傷譬彼蠅營臚又  
疑蜂逐狂雅誼豈無人高風若可望哦詩茲杜門折柬誰  
登堂悒鬱懷永念仰視明參商敦厚勵予志一篇喻滄浪  
閏春將盡寄家書題後

一官如逆旅異域又殘春哀樂中年感艱危老病身黃金  
偏易盡白壁敢求珍獨喜飛鴻便平安語最親

病中讀史有作

一病荒齋屋打頭此情難遣古來憂誰甘卧榻容身睡自  
笑勞生苦贅疣人羨汝南高月旦事爭皮裏有陽秋遺編  
看徹興亡局老淚如何灑未休

絕句

蜉蝣身世一毫輕飲酒王江最有情莫使君袍汗塵土青  
山容我賦歸耕

砭吟

未使身爲形役只堪神與天游月明清鏡自古風動幽篁  
似秋

嘔出肺肝何故別開生面已而愛今不如學古爲樂詎必

拙學齋詩草

初編十四

八

增悲

雨夜獨坐賦詩得七章

俗夫矜外榮哲士求善全春秋有宣尼列邦事鞅轅臨河  
尙遄返女樂行舍旃可知至聖人識微在幾先

戰國多策士從衡逞異議手握六國印高名易爲餌曾不  
一瞬間他人取相位頭顱尙自好五步血濺地惟獨賢孟  
叟對王陳仁義

紛紛龍虎爭豈獨在王霸貴富侈巧取金進由暮夜此輩  
誠何爲徒遭後世罵老氏用清淨亦以警貪詐

當時巢與許遜世無乃太生逢堯禪舜肯墮九州外無君

何皇皇坐想元運會不圖當濁流造化弄狡獪矢此一寸  
心奉奉吟鳳翽

忌才實自隘取善當人同渺焉三代下孰爲休休容驕吝  
卽姬旦己失明與聰何怪懷璧士但以完璞終

小人色徒厲穿窬比諸盜匿怨以爲友亦爲聖所誚簧舌  
生忍心舐痔從諂笑江河一以狂閭闔那可叫悠悠割席  
坐此意未孤隋白日懸中天魍魎無不照

放言非憤嫉闕世歷苦艱兵戈弄池潢殺人誠草菅動忍  
增不能猶恐天命慳不如從赤松激揚懦與頑

自題獨立圖

拙學齋詩草

初編十四

九

君不見蕭蕭短髮非少年此生四十休問天又不見礪礪  
寸心皎白日世途五夜盟沐淵一粟未覺九州大杜陵何  
窮宛邱餓塵勞剩有旁人輕自知麤材不中程寫來骨相  
空崢嶸任呼牛馬吁彼僉耕田吏識字氓

齒落

白髮不我恕齒落日以老四十而無聞五十亦草草人生  
匪金石苑枯感至道安得麻姑飯雪以安期棗寒漿咽石  
髓食我令美好

送方伯雄觀察入 覲時觀察招飲論詩

中朝史官觀察真昔時京輦幾廿年讀書博識邊孝先諫

垣誦論尤稱賢昨來相見翠海邊已憂蠻觸心怛然豸服

甫著入覲 天頭銜孔雀相映鮮公蒙恩賞戴花翎兼以史館提調加銜

使談藝養一最所專意謂立德言乃傳茲語切篤信弗鑄

光燄百丈李杜篇忠愛不渝風骨騫公今造膝 明主

前嘉謀定復廊廟宣阻修關河北指燕更往馮翊意勤拳

欲學老萊舞翩躚壽母八十望眼穿季方吏隱猶飲泉此

行歡娛雁隨肩驛途酌酒招我偏愛才說古精且研猶思

曩事趨八甑慨念天下誰泊平我愚聞道恐未堅世呼拙

宦又可憐低首頌詩仍寒種何况鬱陶當別筵

曩客京師與秦竺人茂林大令論詩極推養一齋之

拙學齋詩草 初編 十四

作與伯雄觀察論有合因疊韻再呈觀察養一齋者

潘四農詩編名也

并時名詩吳粵真四農吳人粵張南山真戴雲帆同時稱能詩 湖在 成廟

中末年中間壇坫孰後先老梅更著推四賢梅伯言郎中 吾鄉

嶠右呼窮邊罕宗古學為卓然伯韓侍御才秉天波瀾老

成蘭茗鮮近時海內極推怡志堂詩謂代興梅郎中也 餘子盡掩功精專海東

藩國猶喧傳朝鮮使臣入京每購怡志堂集 文章不共官職鐫道州史臣

使蜀篇秀語間亦聞高騫自謂謫仙來帝前何子貞太史自命謫仙推

伯韓 為杜 茲事甘苦匪言宜維大手筆惟許燕我於怡志終拳

拳病鶴強舞矯以躑韓翁有形同老鶴強翩躑之句 經史既貫七札穿味

之如啜惠頂泉世儒警聖空及肩莫怪嗜炙有獨偏鏡歌  
快聆樂府研蹈詠 神武堪銘馭 謂韓翁集 應數後生

持論平師說秦七守愈堅潘梅不作吁自憐舊家長物徒

一瓊咄嗟雄辯陳賓筵

閒中偶憶吾粵近人能詩者率皆相識或見其所作

不及乾嘉前也記以此仍疊前韻

嶠西輿圖方黔滇郡國早置秦漢年文物應被 聖教

先山川何地無豪賢左氏之學遠在邊蒼梧九嶷况隆隆

孤生晚出窺管天師法怡志等嗜鮮 韓翁 頗喜王 少鶴 農部 彭

蘭晚 孝廉 攻藝專京兆大尹尤紛傳 蔣申甫 京兆 愚山宗人詩已鐫

拙學齋詩草 初編 十四

十一

施香海 茂才 錦囊更貶少尹篇 蔣霞舫 少京兆 黃門名筆何孤鶩滄州

說項來我前 滄州崇餘堂司馬為道吾鄉吳澄甫給事詩因覓所作實非虛譽 幾人能事

秘弗宣詒卿深藏久住燕 李節卿明經居京師亦得之介休王夢卿所譽乃知其詩 蘇

君寶墨集如拳 蘇琴舫 孝廉 西曹風致多翻隲 蔣秋鶴 比部 潘生獨

從經窟穿 潘臥霞 布衣 若蔣秋水辭湧泉 蔣甘泉 孝廉有句嘉應吳菊棠刺史稱為

蔣秋 陽 竹土 孝廉 東橋 刺史 孝廉 周 熙 橋 大令 或差肩就中所

好見豈偏似皆聞道誇清研銳心復古如磨輒有兩狀元

功則平長城勅敵摧高堅遺珠正雅為汝憐 陳蓮史 龍翰 臣 兩方 伯詩

皆精江都苻南樵哀正雅 集獨不及蓮翁殊可怪也 池塘草色青鋪瓊苦吟遠憶開

瓊筵 予兄 仲變

用前韻書寄振喬振瀚

北走薊門南趨滇我行萬里經幾年成佛不誇靈運先入  
官獨美淵明賢觀理若火徹中邊始覺心清皎月然紛綸  
世變吾信天烝民粒食今艱鮮壟斷市利小夫專至人淡  
泊不妄傳太璞自完毋雕鑿細思莊生逍遙篇譬魚忘水  
冥鴻鳶未解士前或王前魯國尼父尊文宣申申天天式  
居燕戰色臨事足踏拳無敢不敬譏蹶蹶簞瓢亦樂脛肘  
穿弟子得師探淵泉聖學一貫重仔肩四科俱備非執偏  
後人強記窮搜研蝌籀石鼓五鳳輒博士而已功豈平仰  
之彌高鑽彌堅望洋而嘆如乞憐辛勤莫悔針坐氊恨弗  
拙學齋詩草

初編十四

三

聞道親几筵

放言二首

鄒人有孟某昔往見梁王言利誓不顧嗜殺亦所傷坐令  
銷迂濶紛紛戰國場去齊終出晝適魯又沮臧猗歟大賢  
人窮達付彼蒼我輩藐七尺望道空汪洋徒懷古士志感  
時仍皇皇卽今萬里途敢妄誇行藏上下方交征兵革况  
未央請從後車歸毋踰東家牆

古哲稱知人今惟食以耳譖言日浸潤乃易測怒喜名節  
豈不貴朱顏飾女美一士縱誇誇羣口用唯唯可憐狂且  
徒只爲屈膝婢唾手噉高爵冰山究易靡相臣有雅度庶

幾無瑣鄙君知卞和則但願抱璞死

感憤二首

盜賊皆王臣治之固易理不仁疾已甚絲棼亂曷已矧乃  
邦本絀懦愚不足倚十年寇氛惡悉數所自始湘粵帶吳  
楚亦謂強敵矣么魔縱狂諄朝士重綱紀所以蹶復振差  
幸彼勝此殊方病心腹創痛癰附趾良藥進針砭切脉宜  
細揆何爲恃蠱疏輕舉由怒喜狼貪性仍狡虎毒智又詭  
不道蔓可圖轉墮術中耳將帥繫何人茲事倘易匪腐儒  
塵寸念正如憂天杞

太阿日倒持小夫竊弄柄恃力羣恣睢徒爲我民病稍事

拙學齋詩草

初編十四

三

繩法律轉慮于禁令堂堂節旄麾不能止驕橫服妖儼巾  
幘九衢朱紫映赴敵翻履冰偷活散且迸始猶爭糗糧繼  
乃預官政緬維開國初神武信天命桓桓王師降千古誇  
健勁及茲治安久衰極倍思盛椎埋敢肆虐卒伍終不競  
違言驅犬羊太息養梟獍

鄒煦谷同年有句云貧來不悔在官清今深味此言

因成長句寄山左

同譜幾人餘二子貧來不悔在官清遙思壽骨仍恭謹卽  
論親知亦示兄天末音書葭密路花時風雨味陽城輸君  
一事多憂患頭白於今更瘦生

讀史感遼金夏事作樂府四章

黃龍可置宋不臣耶律來讓因稱孫天皇人皇與地后乃  
以打草穀爲生嗚呼帝昈喪兀欲爭睡王奄忽至海濱雖  
有天錫不如女真始知立國以德不以武空據中原九郡  
土遼

起兒漫遷虎思大石之志人知之嗚呼大石空有志七十  
一年一瞬事屈出律乃蠻王直魯古太上皇

西遼

混同江頭赭白馬吾鞭所指無不下海陵作圖繪吳山小  
朝廷事亦苦艱東京西京河爲界似謂千秋終不敗孰知  
空有小堯舜幽蘭軒中心介介當時青城何如五國城和

拙學齋詩草

初編 十四

古

林一去天運傾遼二百年金百年金尙不如鎖鐵堅

金

錦綺雖宋恩衣皮畜牧蕃性便英雄當霸王剿鼻亡身徒  
戀戀君臣父子義盡無開國若此非良圖曳石之謀亦太  
麤何論野利兼天都冠綬寇秦終不濟附遼附金空自帝  
夏

讀元史樂府三章

真人起幹難五傳始建號曰元勛臣重怯薛不爲漢主之  
寡恩博爾朮忽功自尊木華黎與赤老温可憐大都立紅  
蟲已見兆何急慘殺終傷天地心有人夜抱冬青泣

曲律護都守元祀乃以弟爲皇太子古來兄終亦弟及何

必稱名墮人紀宏吉刺殺入不沙遠迎漠北胡爲耶詔除  
廟主雖私怨青史分明有正論

佞佛有何福石人一眼天下哭楊漣真伽與吃刺枉居高  
位亡國速宮中自習天魔舞豈卽兀亦腥穢土黃陵功起  
黃河清可惜艱難創業鐵木真

有懷王苾庭

恩祥

太守

君昔奉

命視學滇南未履  
任緣事被議予兒振喬之外

也舅

詞曹舊日使天南影事匆匆亦太愁兒女兩家同憤舐雲  
山千里憶鸞驂卽今故國無烽火可信中朝重杞柎望子  
一麾行出守桃花流水夢春潭

拙學齋詩草

初編 十四

五

頃讀韓翁集有句云我師繫豈遠養一真良規蓋亦  
心折於四農也用集中答少鶴兩和海棠詩韻成此  
寄伯雄觀察并寄韓翁少鶴

吏事牽率詩不進強學尖叉闢險韻燕居得逢方仁仲餘  
緒縱談噪吻潤今年風景勝去年流觴喜置三月閨山陽  
笛感舊雨心壇坫代興天無吝已聞二子諷君作試賭墨  
兵陷堅陣扶輪大雅諒匪譎英雄所見盡奇雋我有卮言  
質天下砭俗嗜古頗頗信勿謂次公狂於酒吐棄糟粕飲  
醇醞探源深造箕眼巨半生攻苦霜入鬢朱雲慨慷吾信  
師王郎磊落亦心印安仁恨未通警欵遺集流傳歲月迅

空嗟范悅稱一絕爲慨燕昭市羣駿森巖壁壘張我軍千  
秋之名一轉瞬好攜奇句向西笑薊北江南還問訊

適得仲燮兄壽州書疊前韻奉寄

淝陵一官苦寸進鯉魚寄遠發高韻江湖烽火仍耽詩老  
筆爲文益清潤燈枝昨夜開我前凌晨著卜取象閨謙爻  
果爾筮皆吉政聲人口終弗吝頻年風鶴聞八公佐軍屢  
擣鵝鴨陣靴刀岌岌嬰危城慷慨故交得兩儔

謂蕭香弟  
泉觀察

也天南領劇邑手搥雄虎繫誰信木訥自坐廣衆間午餘  
退食樽滿醞惟惜俗夫憎強項那見心勞白兩鬢朗吟狂  
笑茲賦閒肘後擲還黃金印報書勞望淚眼枯驛程三月  
拙學齋詩草

初編 十四

六

行未迅潁濱河日竟歸去努力鹽車少騏驎紛紛黑白銷  
局棋塵海冰山原不瞬此情萬里慎莫忘井梧葉落走相  
訊

有以巨魚白酒相餉者謝之以詩仍疊前韻

老饕大嚼狂藥進此舉雖豪俗不韻讀書有客掃塵慮青  
琴雨過拭餘潤野花殷紅開恰恰那知歲敘逢厄閨吏人  
剝啄忽扣門縑素雜沓破慳吝未勞舊尹判官牘竊喜少  
公走筆陣食德况有千萬夫厯仕曾無一二儔孰殺誰嗣  
今始聞去思來暮真可信盤中撥刺尺鯉魚饗頭苾馨家  
釀醞寸心遙想冰在壺升堂獨拜風掠髻軒渠對汝呼汝

前渣滓盡滌若符印爾徒勤職果勝昔孽窠惠汝亦速迅  
人間自是稱蚓蛇海內於今幾駮駿行當別訪清涼山招  
我烟波瞥一瞬烹肥日日好盡醉漁童樵青歡報訊

聞蜀中近事寄所親者

憐君飄泊意別易會偏難近有兵戈嘆能忘居處安夢深  
蝴蝶煖春老杜鵑寒買棹從歸便榕湖把釣竿

十四年前事匆匆遇蜀都何來重與別曾未久相娛才士  
情如海老夫心識途殷勤語王粲攜手莫踟躕

微雨

微雨滿山城啼鴉不住聲天餘養花意雲是出山晴曉夢

拙學齋詩草

初編

十四

七

寒仍戀高吟韻覺清登樓當日午漸喜放新晴

